

АЙРИМ ХОРИЖИЙ МАМЛАКАТЛАРНИНГ ҲУҚУҚБУЗАРЛИКЛАР ПРОФИЛАКТИКАСИГА ДОИР ТАЖРИБАСИ ТАҲЛИЛИ

<https://doi.org/10.5281/zenodo.10649861>

Менглиев Фахриддин Валиевич

Ўзбекистон Республикаси

Ички ишлар Академиясининг

Олий таълимидан кейинги таълим

факультети мустақил изланувчиси

Аннотация

Мазкур мақолада ҳуқуқбузарликлар профилактикаси соҳасида маҳаллий давлат органлари фаолиятига доир хориж тажрибаси таҳлил қилинган.

Муаллифнинг фикрича, ҳуқуқбузарликлар профилактикаси соҳасида маҳаллий давлат органлари фаолиятини янада кенгайтириши лозим. Айниқса ҳуқуқ-тартибот органларининг маҳаллий бўлинмалари билан бўладиган муносабатларда маҳаллий давлат ҳокимияти органлари ваколатларини кенгайтириши лозим.

Калит сўзлар

маҳаллий давлат ҳокимияти органлари; ҳуқуқбузарлик; жиноят; ҳуқуқбузарликлар профилактикаси; жиноятларнинг сабаблари; жиноятларнинг шароитлари; жиноятиликка қарши курашиши; ҳалқ депутатлари кенгашилари.

АНАЛИЗ ОПЫТА НЕКОТОРЫХ ЗАРУБЕЖНЫХ СТРАН В СФЕРЕ ПРОФИЛАКТИКИ ПРЕСТУПНОСТИ.

Аннотация

В данной статье анализируется зарубежный опыт деятельности местных государственных органов в сфере профилактики преступности.

По мнению автора, необходимо и дальше расширять деятельность местных государственных органов в сфере профилактики преступности. Необходимо расширить полномочия местных органов государственной власти, особенно во взаимоотношениях с местными подразделениями правоохранительных органов.

Ключевые слова

органы местного самоуправления; преступление; преступление; предотвращение преступления; причины преступлений; обстоятельства преступлений; борьба с преступностью; Советы народных депутатов.

ANALYSIS OF THE EXPERIENCE OF SOME FOREIGN COUNTRIES IN THE FIELD OF CRIME PREVENTION

Abstract

This article analyzes foreign experience in the activities of local government bodies in the field of crime prevention.

According to the author, it is necessary to further expand the activities of local government bodies in the field of crime prevention. It is necessary to expand the powers of local government authorities, especially in relations with local law enforcement agencies.

Abstract.

Key words

local governments; crime; crime; crime prevention; causes of crime; circumstances of the crimes; crime control; Councils of People's Deputies.

Янги минг йилликнинг бошларида хорижий давлатларнинг хуқуқбузарликлар профилактикаси амалиёти таҳлил қилинганида, аксарият хорижий мамлакатларда ноқонуний хатти-ҳаракатларни олдини олишнинг назарий жиҳатлари ишлаб чиқилганлиги маълум бўлди .

С.Б. Хўжакуловнинг таъкидлашича европа мамлакатларида хуқуқбузарликлар профилактикаси хуқуқни муҳофаза қилиш органлари ишининг ўртача 60 фоизини ташкил қилади .

Бугунги кунда дунёning барча давлатларида хуқуқбузарликлар профилактикаси тизими яратилган бўлиб уларда ўзига хос тажриба тўпланган.

МДҲга аъзо бир қатор давлатлар хуқуқбузарликлар профилактикасига оид ижтимоий-хуқуқий муносабатларни тартибга солувчи қонун ҳужжатларини қабул қилган. Ушбу қонун ҳужжатларининг қиёсий-хуқуқий таҳлили мазкур давлатлардаги хуқуқбузарликлар профилактикасининг мазмuni ҳамда бу борада давлатнинг ижтимоий-сиёсий позицияси ҳақида холоса қилиш имконини беради. Сўз юритилаётган қонунлар гарчи, мазмун ва шакл жиҳатдан бир-бирига яқин бўлса-да, аммо ёндашув нуктаи назардан ўзаро фарқланади. Шу боис ушбу фарқ ва мавжуд тажрибани аниқлаш, бу борадаги ютуқ ва камчиликларга объектив баҳо бериш учун сўз юритилаётган давлатларнинг хуқуқбузарликлар профилактикасида оид қонунлари қуйидаги мезонлар асосида таҳлил қилинди: биринчи мезон, қонунда хуқуқий жиҳатдан тартибга солиш предметининг қай даражада

аниқлаштирилганлиги; иккинчи мезон, қонунда ҳуқуқбузарликлар профилактикасининг мақсад ва вазифалари ифодаланганлиги; учинчи мезон, қонунда қўлланилган асосий тушунчалар мазмунининг қай даражада ёритилгани; тўртинчи мезон, ҳуқуқбузарликлар профилактикаси принципларнинг белгиланганлиги ва улар мазмунининг аниқлиги; бешинчи мезон, ҳуқуқбузарликлар профилактикасининг йўналиши, тури, усул ва шакларининг қонун нормаларида акс этганлиги; олтинчи мезон, ҳуқуқбузарликлар профилактикаси субъектлари тизимининг оптималь шаклантирилганлиги ёки мақсадга мувофиқлиги; еттинчи мезон, ҳуқуқбузарликлар профилактикаси субъектлари фаолиятини мувофиқлаштириш масаласининг тартибга солинганлиги .

Арманистон Республикасининг 2002 йил 7 майдаги "Маҳаллий ўзини ўзи бошқариш органлари тўғрисида"ги қонунининг 35-моддасида муниципалитет раҳбарининг жамоат тартибини саклашдаги фаолияти белгилаб қўйилган. Унга кўра жамоат тартибини муҳофаза қилиш соҳасида муниципалитет раҳбари давлат томонидан берилган қўйидаги ваколатларни амалга оширади:

тегишли худудда фаолият юритувчи ички ишлар органларидан мажбурий бажарилиши керак бўлган тегишли ёрдам талаб қилиши мумкин. Полиция ҳокимият раҳбарига ҳафтада бир марта муниципалитетда содир этилган ҳуқуқбузарликлар тўғрисида маълумот беради;

қонун хужжатларида белгиланган ҳолларда ва тартибда шахсларни маъмурий жавобгарликка тортади .

Бизнинг мамлакатимизда ҳам шунга ўхшаш тажрибани жорий этиш лозим. Хусусан, ҳокимлар маҳаллий ҳуқуқни муҳофаза қилувчи органларга фуқароларнинг харакатларига (харакатсизлигига) ҳуқуқий баҳо бериш бўйича топшириклар бериш ваколатига эга бўлиши керак.

Беларусь Республикасининг 2010 йил 4 январда "Беларусь Республикасида Маҳаллий бошқарув ва ўзини ўзи бошқариш тўғрисида"ги қонунининг 19-моддасида маҳаллий кенгашлар болалар, ёшлар, болаларни тарбиялаётган оиласлар, фахрийлар, ногиронлар, қариялар, шунингдек қонун хужжатларида белгиланган бошқа тоифадаги фуқароларни ижтимоий қўллаб-қувватлаш чора-тадбирларини, оромгоҳларга тайёрлашда ёрдам кўрсатиш чора-тадбирларини белгилаш орқали ҳуқуқбузарликлар ижтимоий профилактикани амалга оширади.

Шунингдек, маҳаллий ижроия қўмиталарининг ҳам ҳуқуқбузарликлар профилактикасига оид айрим ваколатлари қонунининг 41-моддасида назарда

тутилган. Унга құра ижроия құмиталари қонун хужжатларида белгиланған тартибда үз ваколатлари доирасида:

демографик хавфсизлик, оиланинг ижтимоий-иктисодий турмуш шароитини яхшилаш масалаларини ҳал этади;

ёшларга оид давлат сиёсатини амалга оширади;

истеъмолчиларнинг, шу жумладан уй-жой коммунал хизматларининг ҳуқуқларини ҳимоя қилиш чораларини күради;

хуқуқни муҳофаза қилувчи органлар билан биргаликда жамоат тартибини муҳофаза қилиш бўйича тадбирларни амалга оширади;

хуқуқбузарликлар профилактикаси тадбирларини амалга оширади;

коррупцияга, экстремизмга, шу жумладан терроризмга қарши курашишда иштирок этади;

фавқулодда вазиятларнинг олдини олиш ва уларни тугатиш, фуқаро мудофааси тадбирларини амалга ошириш, ёнғин, саноат, ядро ва радиация хавфсизлигини таъминлаш, Чернобил АЕСдаги офат оқибатларини бартараф этишда иштирок этади .

Беларусь Республикасининг 2014 йил 4 январдаги “Хукуқбузарликлар профилактикаси фаолияти асослари тўғрисида”ги қонунига құра маҳаллий давлат органлари ҳам хуқуқбузарликлар профилактикаси субъектлари тизимиға киритилган. Ушбу қонунга биноан хукуқбузарликлар профилактикаси бўйича худудий комплекс дастурлар қабул қилинади. Мазкур дастурлар қўйидагиларнинг олдини олиш бўйича профилактика чора-тадбирлари амалга оширилишини таъминлашга қаратилади: давлатта қарши жиноятлар ҳамда хокимият ва назоратни амалга ошириш; коррупцияга шароит яратувчи хукуқбузарликлар ва коррупцияга оид хуқуқбузарликлар; хаёт ва соғликка, жамоат тартибига ва жамоат ахлоқига қарши жиноятлар; фавқулодда вазиятларнинг юзага келишига ва улардан одамларнинг ўлимига олиб келадиган хукуқбузарликлар; мулкка қарши жиноятлар ва хўжалик фаолиятини амалга ошириш тартиби; уйдаги зўравонлик; маст ҳолда ёки гиёхвандлик воситалари, психотроп моддалар, уларнинг аналоглари, заҳарли ёки бошқа маст қилувчи моддаларни истеъмол қилиш натижасида содир бўлган ҳолатда бўлган фуқаролар томонидан содир этилган хукуқбузарликлар; ахлоқ тузатиш муассасаларидан, очик ахлоқ тузатиш муассасаларидан, қамоққа олиш жойларидан озод қилинган фуқаролар, шунингдек, маҳсус таълим муассасаларидан ва маҳсус даволаш ва тарбия муассасаларидан қайтган фуқаролар томонидан содир этилган хукуқбузарликлар; бошқа хукуқбузарликлар .

Шунингдек, маҳаллий давлат органларининг қуидаги хуқуқбузарликлар бўйича профилактик фаолияти белгиланган:

коррупция ва коррупцияга оид хуқуқбузарликлар учун шароит яратувчи хуқуқбузарликлар профилактикасида – коррупцияга қарши курашиш бўйича профилактика чора-тадбирларини, шу жумладан, кадрларни танлаш ва жойлаштириш мониторингини, мансабдор шахсларнинг молиявий назоратни таъминлашга қаратилган чекловлар ва маҳсус талабларга риоя қилиш бўйича тизимли ишларни режалаштиради ва амалга оширади;

ҳаёт ва согликка, жамоат тартибига ва жамоат ахлоқига қарши хуқуқбузарликлар профилактикасида – аҳоли пунктлари қўчалари ва ҳовли худудларини тўғри ёритишни ташкил этиш чораларини кўради, ички ишлар органларининг таклифига биноан фуқаролар кўп бўладиган жамоат жойларини, хуқуқбузарликлар энг кўп содир бўладиган жамоат жойларини ички ишлар органлари томонидан назорат қилинадиган видеокузатув тизимлари ва авария алоқаси воситалари билан жиҳозлаш чораларини кўради, Минск шаҳри ва вилоят марказларида йўналиши транспорт воситалари ва чорраҳаларни бошқариш маркази ўртасидаги алоқани автоматлаштирилган ҳаракатни бошқариш тизими орқали таъминлаш чораларини кўради, фуқароларнинг бўш турган уйларга, биноларга, иншоотларга, туарар-жой бинолари, бино ва иншоотларнинг ертўлалари ва чордоқларига рухсатсиз киришининг олдини олиш бўйича ташкилий чора-тадбирларни амалга оширади;

фавқулодда вазиятларнинг юзага келиши ва уларнинг натижасида одамларнинг ўлимига олиб келадиган хуқуқбузарликлар профилактикаси бўйича – тегишли орган ва муассасалар билан ҳамкорликда ёнғинлар ва бошқа фавқулодда вазиятлар ҳамда улар оқибатида ҳалок бўлиш ҳолатларининг олдини олишга қаратилган профилактика тадбирларини амалга оширилади, туарар-жой мажмуаларида уларни лойиҳалаш ва қуришда ҳар бир хонадонга битта автотранспорт воситалари учун тўхташ жойларининг ҳисобга олиниши ва қурилиши ташкил этади;

оилавий зўравонликлар профилактикасида - ички ишлар органлари, соғлиқни сақлаш органлари, таълим муассасалари, меҳнат, бандлик ва аҳолини ижтимоий муҳофаза қилиш органлари, ижтимоий хизмат кўрсатиш муассасалари ва бошқа ташкилотлар билан ўзаро ҳамкорликда оиладаги зўравонликлар билан боғлиқ хуқуқбузарликларнинг сабаблари ва шарт-шароитларини аниқлаш ва бартараф этиш чораларини кўради, зўравонлик қурбонларига ёрдам кўрсатиш бўйича тадбирлар ташкил этади, ички ишлар

органлари, таълим муассасалари, меҳнат, бандлик ва аҳолини ижтимоий мухофаза қилиш органлари ва бошқа ташкилотлар билан ўзаро ҳамкорликда оиласдаги зўравонликнинг олдини олиш бўйича тушунтириш ишларини амалга оширади, оиласдаги зўравонликнинг олдини олиш бўйича мутахассислар тайёрлаш, қайта тайёрлаш ва уларнинг малакасини оширишни ташкил этади, оилавий зўравонликдан жабрланган фуқароларга вактинчалик бошпана хизматларини кўрсатишни ташкил этиш тўғрисида қарорлар қабул қиласди;

спиртли ичимликлар, гиёвандлик воситалари ёки психотроп моддалар таъсирида жиноят содир этилишининг олдини олиш бўйича - ички ишлар органлари, соғлиқни сақлаш органлари, таълим муассасалари ва бошқа ташкилотлар билан ўзаро ҳамкорликда спиртли ичимликлар, гиёвандлик воситалари ёки психотроп моддалар тарқалиши ва истеъмол қилинишининг олдини олиш бўйича тушунтириш ишларини олиб боради.

Қозогистон Республикасида эса 2001 йил 21 январда “Қозогистон Республикасида маҳаллий давлат бошқаруви ва ўзини ўзи бошқариш тўғрисида”ги қонун қабул қилинганди.

Ушбу қонунга кўра ҳокимлар (окимлар) терроризмга қарши курашиб комиссиялари орқали тегишли ҳудудларда терроризм ва экстремизмнинг олдини олиш, шунингдек терроризм оқибатларини минималлаштириш ва бартараф этиш бўйича тадбирларни ташкил этади, шунингдек тегишли ҳудудларда ижтимоий характердаги фавқулодда вазиятларнинг олдини олишда, шунингдек уларнинг оқибатларини минималлаштириш ва бартараф этишда иштирок этади, хавфсизлик ва ички ишлар органлари билан келишилган ҳолда тегишли ҳудудда жойлашган терроризмга мойил бўлган обьектлар рўйхатини ишлаб чиқади ва тасдиқлади.

Вилоят, республика аҳамиятига молик шаҳар, пойтахт ҳокими тегишли маъмурий-ҳудудий ички ишлар органлари олдига тезкор-қидиув ва процессуал фаолиятга аралашмаган ҳолда хуқуқбузарликларнинг олдини олиш, жамоат тартибини сақлаш ва йўл ҳаракати хавфсизлигини таъминлаш юзасидан вазифалар қўяди ҳамда йилига бир марта ички ишлар бўлими бошлигининг тегишли ҳисботларини эшитади.

Қозогистон Республикасининг ушбу тажрибасининг эътиборли томони шундаки, маҳаллий давлат ҳокимияти органлари ва ички ишлар органларнинг муносабатлари аниқ белгилаб қўйилган. Маҳаллий давлат ҳокимияти органлари тегишли ҳудудда умумий раҳбарликни амалга ошириши, давлат бошқаруви органларининг ҳудудий бўлинмаларига

бажарилиши мажбурий бўлган топшириклар бериши мумкин. Аммо ҳукуқни муҳофаза қилиш фаолиятига хусусан жавобгарлик масалалариға аралашмаслиги лозим.

Бизнинг мамлакатимизда ҳам ҳокимларга тезкор-қидириув ҳамда процессуал фаолиятга аралашмаган ҳолда ҳукуқни муҳофаза қилувчи органларнинг маҳаллий бўлинмалариға бажарилиши мажбурий бўлган топшириклар бериш ваколатини бериш лозим. Шунингдек, ҳокимларга қонун бузилиши, унинг келиб чиқиши сабаблари ва бунга имконият яратиб берайтган шарт-шароитларни бартараф этиш тўғрисидаги тақдимнома киритиш ваколатини бериш мақсадга мувофиқ.

Қозоғистон Республикасининг 2010 йил 29 апрелдаги “Ҳукуқбузарликлар профилактикаси тўғрисида”ги қонунида маҳаллий вакиллик ва ижро органларининг ҳукуқбузарликлар профилактикасидаги ваколатлари алоҳида белгилаб қўйилган.

Унга кўра маҳаллий вакиллик органлари:

ҳокимнинг тақдимиға биноан ҳукуқбузарликлар профилактикаси бўйича жойлардаги идоралараро комиссияларнинг шахсий таркибини тасдиқлайди;

хукуқбузарликлар профилактикаси харажатлари бўйича маҳаллий бюджетларнинг ижросини тасдиқлайди ва назорат қиласди;

фуқаролар ва ташкилотлар томонидан ушбу Конун нормаларининг бажарилишига кўмаклашиш;

конун хужжатларида назарда тутилган бошқа ваколатларни амалга оширади.

Маҳаллий ижро этувчи ҳокимият органлари эса:

жойларда ҳукуқбузарликлар профилактикаси субъектларининг ўзаро ҳамкорлигини таъминлайди;

хукуқбузарликлар профилактикаси билан шуғулланувчи фуқаролар ва ташкилотларнинг ҳисобини юритади, фуқаролар ва ташкилотларни жамоат тартибини муҳофаза қилишга жалб этиш чораларини кўради, уларни рағбатлантириш турлари ва тартибини белгилайди;

аҳоли бандлигини таъминлашга кўмаклашади;

маҳкумларни жазони ижро этиш тизими муассасалариға ишга жойлаштиришга кўмаклашади;

хукуқбузарликлар профилактикаси бўйича идоралараро комиссияларнинг шахсий таркибини тегишли маҳаллий вакиллик

органларига тасдиқлаш учун кирилади ва уларнинг фаолиятини таъминлайди;

хукуқбузарликлар профилактикаси тизими ташкилотларини ташкил этиш ва фаолият юритишини таъминлайди;

махсус ижтимоий хизматларга муҳтоҷ шахсларга махсус ижтимоий хизматлар кўрсатишни ташкил қиласди;

хукуқбузарликлар содир этилишига ёрдам берадиган сабаблар ва шартшароитларни бартараф этиш чораларини кўради .

Бизнинг назаримизда Қозогистон Республикасининг ушбу тажрибаси ҳам эътиборга молик. Чунки, маҳаллий вакиллик ва ижро органлари гарчан ягона институт бўлсада аслида ўз ваколатларини бир-биридан мустақил амалга оширади. Шунингдек, уларнинг маъмурий имкониятлари ҳамда ресурслари ҳам бир-биридан фарқ қиласди.

Шунингдек, Қозогистон Республикасида хукуқбузарликлар профилактикаси бўйича идоралараро орган ҳукумат хузурида, уларнинг ҳудудий бўлимлари эса маҳаллий давлат ҳокимияти органлари хузурида ташкил этилади. шу сабабли маҳаллий давлат ҳокимияти органлари хукуқбузарликлар профилактикасини мувофиқлаштирувчи асосий субъект ҳисобланади .

Қирғиз Республикасининг 2008 йил 29 майда “Маҳаллий ўзини ўзи бошқариш ва маҳаллий давлат маъмурияти тўғрисида”ги қонунида вилоят ва туман маҳаллий давлат маъмуриягининг ваколатлари алоҳида белгилаб қўйилган .

Вилоят ва туман даражасидаги давлат ҳокимияти органларининг ваколатлари фавқулодда вазиятлар, табиий оғатлар ва уларнинг оқибатларини бартараф этишда иштирок этади, шунингдек, фуқароларнинг, шу жумладан вояга етмаганлар ҳукуқларига риоя этилиши устидан назоратни амалга оширади.

Бу ерда эътиборли томонида шундаки, вояга етмаганларнинг ҳукуқларига амал қилиниши устидан назоратни амалга ошириш бўйича маҳаллий давлат органларининг ваколатлари белгилаб қўйилган. Ўзбекистон Республикасининг 2008 йил 7 январдаги “Бола ҳукуқларининг кафолатлари тўғрисида”ги қонунида маҳаллий давлат ҳокимияти органларининг бола ҳукуқларини таъминлаш соҳасидаги ваколатлари белгиланмаган. Ҳолбуки, болаларнинг ҳукуклари амалга оширилиши ва уни таъминлашда маҳаллий давлат ҳокимияти органлари муҳим маъмурий ресурсларга эга ҳисобланади.

Шу сабабли бола ҳуқуқларини таъминлашда маҳаллий давлат ҳокимияти органларининг ваколатларини аниқ белгилаб қўйиш лозим.

Қирғизистон Республикасида вилоят давлат ҳокимияти раҳбари - ҳокимнинг (губернатор), шунингдек давлат давлат ҳокимияти раҳбари - ҳоким (оким) давлат ҳуқуқни муҳофаза килувчи органларнинг ўзларига қарашли худудда ҳуқуқ-тартибот ва хавфсизликни таъминлаш, шунингдек, давлат чегараларини қўриқлаш бўйича фаолиятини мувофиқлаштиради ва назорат қиласди. Аммо судьялар, прокурорлар, давлат миллий хавфсизлик органининг худудий бўлинмалари раҳбарларини лавозимидан мустакил четлата олмайди. лекин улар ўз вазифаларини самарали бажара олмаганда уларни лавозимидан озод қилиш тўғрисида юкори турувчи органларга тақдимнома киритади.

Қирғиз Республикасининг 2021 йил 5 майдаги “Ҳуқуқбузарликлар профилактикаси асослари тўғрисида”ги қонунида ҳуқуқбузарликлар профилактикаси субъектига ҳуқуқбузарликлар профилактикасини амалга оширишга ваколатли давлат органлари ва маҳаллий давлат ҳокимияти органлари кириши қайд этиб ўтилган .

Қирғиз Республикасида ҳуқуқбузарликлар профилактикаси бўйича қўшма режалар тузилади ва амалга оширилади. Унга кўра муайян худудда жиноят содир этилишининг олдини олиш бўйича олдиндан режалаштирилган чора-тадбирлар мажмуи айнан маҳаллий давлат ҳокимияти органлари томонидан тасдиқланади.

Шунингдек, ҳуқуқбузарликлар профилактикаси доирасида маҳаллий давлат ҳокимияти органлари ўз худудида қуидагиларни амалга оширади:

ҳуқуқбузарликлар профилактикаси субъектлари ишига умумий раҳбарликни амалга оширадилар ва ўз ваколатлари доирасида тегишли қарорлар қабул қиласдилар. норматив-ҳуқуқий ҳужжатлар;

жамоат профилактика марказлари фаолиятини ташкил этади ва уларга раҳбарлик қиласди, уларнинг фаолиятини қўллаб-қувватлайди;

бошқа профилактика субъектлари билан биргаликда ўз худудида ҳуқуқбузарликлар профилактикаси бўйича қўшма режа ва дастурларни тасдиқлайди ва амалга оширади, уларнинг бажарилиши юзасидан масъул шахсларнинг ҳисоботларини эшитади;

ижтимоий-иктисодий ривожланиш режаларида ҳуқуқбузарликларнинг олдини олиш чора-тадбирларини назарда тутади;

фаолияти ҳуқуқбузарликларнинг олдини олиш бўйича чора-тадбирларни амалга ошириш билан боғлиқ бўлган нодавлат нотижорат

ташкилотларини ижтимоий буюртма бериш, грант ёрдами ажратиш, шунингдек бошқа молиялаштириш манбаларини йўналтириш орқали ҳукуқбузарликлар профилактикасига жалб қиласди;

ўз ваколатлари доирасида ҳукуқбузарликлар профилактикасининг индивидуал режаларини ишлаб чиқади ва амалга оширишда иштирок этади .

Қирғиз Республикасида ҳам маҳаллий давлат ҳокимияти органлари ўз худудида ҳукуқбузарликлар профилактикаси субъектлари ишига умумий раҳбарликни амалга ошириши аниқ белгилаб қўйилган. Хусусан, маҳаллий давлат ҳокимияти органлари, ҳукуқбузарликлар профилактикаси бўйича ўзларининг худудий мувофиқлаштирувчи комиссияларини тузадилар. Ҳукуқбузарликлар профилактикаси бўйича мувофиқлаштирувчи комиссиялар таркибига маҳаллий кенгашлар, маҳаллий давлат ҳокимияти органлари, ҳукуқбузарликлар профилактикаси субъекти бўлган давлат органларининг худудий бўлинмалари, жамоат бирлашмалари, маҳаллий ҳамжамият ва фуқаролик жамияти вакиллари киради. Ушбу комиссияларга маҳаллий давлат ҳокимияти органлари раҳбарлари раислик қиласди .

Қирғиз Республикасида жамоатчилик-профилактика марказлари ҳам фаолият юритади ва қонунда белгиланган ваколатлар доирасида ҳукуқбузарликлар профилактикаси фаолиятини биргалиқда режалаштириш бўйича маҳаллий ҳамжамият, тижорат ва нотижорат ташкилотлари, фуқаролик жамияти ва фуқароларнинг мувофиқлаштирувчи механизми ҳисобланади ҳамда уларнинг фаолияти маҳаллий давлат ҳокимияти органлари томонидан назорат қилинади.

Молдова Республикасида 2006 йил 28 декабрда қабул қилинган “Маҳаллий оммавий бошқарув тўғрисида”ги қонунга кўра маҳаллий ҳокимият органларига примар раҳбарлик қиласди . Примар ҳукуқбузарликлар профилактикасига оид қуйидаги ваколатларни амалга оширади: ярмаркалар, бозорлар, истироҳат боғлари, яшил худудлар ҳамда аҳоли дам олиш ва қўнгилочар масканлар фаолиятини қонун ҳужжатларида белгиланган тартибда назорат қиласди ҳамда уларнинг нормал фаолият кўрсатишини таъминлаш бўйича тезкор чоралар қўради, қонун ҳужжатларида белгиланган тартибда қўчмас маданий мерос обьектларини (археология ёдгорликлари, тарих ва маданият ёдгорликлари), номоддий ва кўчар маданий мерос обьектларини, жамоат жойларида барпо этилган ёдгорликларни, ўзига қарашли худудда жойлашган маданий ва табиий қўриқхоналарни муҳофаза қилишга ёрдам беради, мавжуд ресурслар доирасида аҳолига зарур бўлган ижтимоий хизматлар турлари бўйича тадқиқотларни ташкил этади,

белгиланган эҳтиёжларга мувофиқ ижтимоий хизматларни ривожлантириш дастурларини ишлаб чиқади ва маҳаллий Кенгашга тасдиқлаш учун таклиф қиласи, ўз тасарруфидаги ҳудудда ҳаракатни ташкил этиш, йўлларни, қўприкларни тўғри сақлаш ва йўл белгиларини ўрнатиш орқали йўл ҳаракати ва пиёдалар хавфсизлигини таъминлайди, жойларда хотин-қизлар ва эркаклар учун тенг имкониятларни таъминлаш сиёсатини амалга ошириш бўйича маҳаллий Кенгаш қарорлари ижросини таъминлайди, ушбу мақсадларда давлат органлари, нотижорат ва халқаро ташкилотлар билан ҳамкорлик қиласи; ҳокимлик тизимидағи гендер бўлими фаолиятини мувофиқлаштиради; ўзини камситиш қурбони деб ҳисоблаган шахсларнинг шикоятларини кўриб чиқади; аҳолини соғлиқни сақлаш масалалари бўйича таълим ва хабардорлигини оширишга кўмаклашади камситишни бартараф этиш, болаларни, қарияларни, ногиронларни, кўп болали оиласларни ва оиласларни зўравонлиқдан жабрланган оиласларни, ижтимоий ҳимояга муҳтоҷ бошқа тоифаларни ижтимоий ҳимоя қилиш бўйича фаолиятни мувофиқлаштиради, ўзига қарашли ҳудудда жисмоний ва юридик шахслар томонидан йўл қўйилган амалдаги қонун ҳужжатлари бузилиши ҳолатларини аниклайди, уларни бартараф этиш ёки бартараф этиш чораларини кўради ҳамда зарур ҳолларда шаҳар ҳокимининг сўровларига зудлик билан жавоб қайтариши шарт бўлган ҳуқуқни муҳофаза қилувчи органларга мурожаат қиласи, қонун ва тартибни бузувчи ёки ахлоқ-одобга путур етказувчи, жамоат тартибини ва осойишталигини бузувчи томошалар, томошалар ва бошқа оммавий намойишларни тақиқлаш ёки тўхтатиб туриш чораларини кўради, марказий тармоқ органлари ва уларнинг ҳудудий давлат хизматлари билан биргаликда табиий оғатлар, оғатлар, ёнғинлар, эпидемиялар, эпифитотиялар ва эпизоотияларнинг олдини олиш ва оқибатларини камайтириш бўйича чора-тадбирлар кўради ҳамда зарур ҳолларда ушбу мақсадлар учун аҳолини, хўжалик юритувчи субъектларни ва аҳолини сафарбар этади .

Маҳаллий Кенгашлар эса жамоат тартибини таъминлашга кўмаклашади, шаҳар полицияси, қутқарувчилар ва ўт ўчирувчилар ҳудудий хизмати (пости) ҳамда маҳаллий аҳамиятга молик фуқаро муҳофазаси бўлинмалари фаолияти тўғрисида қарорлар қабул қиласи, уларнинг фаолиятини такомиллаштириш бўйича таклифлар киритади, маъмурий-ҳудудий бирлик аҳолиси сонига мутаносиб равишда ўзига бўйсунувчи ҳудудда қутқарувчилар ва ўт ўчирувчиларнинг ҳудудий хизматини (пости) сақлаш учун ажратиладиган молиявий маблағлар миқдорини тасдиқлайди, ижтимоий

химоя ва ижтимоий таъминот бўйича чора-тадбирларни амалга оширишга кўмаклашади, бола хукуқларини химоя қилишни таъминлайди, уй-жой шароитини яхшилашга муҳтож, ижтимоий химояга муҳтож шахсларни рўйхатга олиш тўғрисида қарорлар қабул қиласди, маҳаллий хайрия муассасаларини яратади ва уларнинг фаолиятини таъминлайди, бола хукуқларини химоя қилиш бўйича мутахассис лавозимини яратиш тўғрисида қарор қабул қиласди .

Туркманистон Республикасида 2010 йил 10 майда “Ижро этувчи ҳокимиятнинг маҳаллий органлари тўғрисида”ги қонуни қабул қилинган . Ушбу қонуннинг 7-моддасида ҳокимлар (ҳяқимлар)нинг умумий ваколатлари белгиланган. Унга кўра вилоят, этрап ва шаҳар шаҳар ҳоким (ҳяқимлар)лари қўйидаги ваколатларни амалга оширади: аҳолини ижтимоий ҳимоя қилиш, фахрийлар, ногиронлар, қўп болали, кам таъминланган оиласаларнинг уй-жой ва майший шароитларини яхшилаш, мактабгача ва умумий таълим муассасаларини, мактаб-интернатларни, қариялар уйларини, соғлиқни сақлаш ва соғлиқни сақлашни моддий таъминлаш бўйича чора-тадбирларнинг амалга оширилишини таъминлайди, тегишли ҳудудда санитария-эпидемиология, карантин ва гигиена тадбирларининг амалга оширилишини ташкил қиласди ва назорат қиласди, аҳолини экологик вазият ҳақида хабардор қиласди, табиий оғатлар, эпидемиялар, эпизоотиялар ва баҳтсиз ҳодисалар юз берганда уларнинг оқибатларини бартараф этиш ва аҳоли хавфсизлигини таъминлаш бўйича зарур чораларни кўради, атроф-муҳитга хавф туғдирувчи корхоналар, муассасалар, ташкилотлар фаолиятини тўхтатади, тегишли ҳудудда фуқароларнинг хукуклари ва қонуний манфаатларини химоя қилиш, жамоат тартибини ва қонунийликни мустаҳкамлашда давлат органлари, барча мулкчилик шаклидаги корхоналар, муассасалар, ташкилотларнинг ўзаро ҳамкорлиги ва келишилган ишини таъминлаш чораларини кўради, хукуқбузарликлар профилактикаси ҳолати, уларнинг содир этилишига сабаб бўлган сабаблар ва шарт-шароитларни бартараф этиш чора-тадбирлари тўғрисида тегишли раҳбарларнинг ҳисботларини мунтазам эшитиб боради, хукуқни муҳофаза қилувчи ва бошқа органлар билан биргаликда хукуқбузарликлар ҳолатини таҳлил қилиш ва олдини олиш бўйича ишларни ташкил этади ҳамда тегишли ҳудудда хукуқбузарликларнинг олдини олиш чораларини кўради, маҳаллий ички ишлар органлари вакиллари, оқсоқоллар кенгашлари ва бошқа жамоат бирлашмалари ўргасидаги ҳамкорликка кўмаклашади.

Туркманистон Республикасининг 2020 йил 22 августдаги "Хукуқбузарликлар профилактикаси тұғрисида" ги қонунига күра ушбу давлатда ҳам маҳаллий үзини ўзи бошқариш органлари хукуқбузарликлар профилактикасининг субъектлар сифатида белгилаб құйилған. Ушбу қонунга күра, маҳаллий давлат ҳокимияти органлари ўз ваколатлари доирасыда тегишли давлат органлари вакиллари билан биргаликда хукуқбузарликлар содир этилишига сабаб бұлған сабаблар ва шартшароитларни бартараф этиш чораларини күрадилар, жамоат тартибини саклашга, фуқароларнинг хукуклари, әркинликлари ва қонуний манфаатларини ҳимоя қилишга құмаклашадилар.

Украинада 1997 йил 21 майда "Украинада маҳаллий үзини ўзи бошқариш тұғрисида" ги қонунида маҳаллий давлат органларининг қонунийликни, хукуқ-тартиботни таъминлаш, фуқароларнинг хукуклари, әркинликлари ва қонуний манфаатларини ҳимоя қилиш бүйічә ваколатлари алохіда моддада белгилаб құйилған.

Хусусан, ушбу қонуннинг 38-моддасига биноан маҳаллий давлат органлари хукуқбузарликлар профилактикасига доир құйидаги ваколатларға әга: қонун хужжатларига мувофиқ маҳаллий давлат ҳокимияти органлари маблағлари ҳисобидан таъминланадиган полицияни ташкил этиш тұғрисида таклифлар тайёрлаш ва кенгаш күриб чиқиш учун киритиш, бундай полиция ходимларининг сони, харажатлари тұғрисидаги масалаларни ҳал қилиш, уларни саклаш, фаолиятини моддий-техник таъминлашни амалга ошириш, улар учун зарур яшаш шароитларини яратиши, судлар, прокуратура, адлия, хавфсизлик хизмати, миллий полиция, миллий антикоррупция бюроси, иқтисодий хавфсизлик бюроси, адвокатура ва давлат жиной ижроия хизмати фаолиятига ёрдам беріш, мансабдор шахслар кенгашлар ва уларнинг ижро этувчи органларининг ўз ваколатлари доирасыда қабул қилинган қонуний талаблари ва қарорларини менсимаган тақдирда уларни жавобгарликка тортиш тұғрисида тегишли органларға тақдимномалар киритиш, ижро этувчи ҳокимият органлари, бошқа маҳаллий давлат ҳокимияти органлари, корхоналар, муассасалар ва ташкилотларнинг худудий ҳамжамиятнинг хукукларини, шунингдек маҳаллий давлат ҳокимияти органлари ва мансабдор шахсларнинг ваколатларини чекловчи хужжатларини ноқонуний деб топиш тұғрисида судга мурожаат қилиш, қонун хужжатларига мувофиқ маҳаллий бюджет ҳисобидан таъминланадиган шаҳар авария-қутқарув хизматини ташкил этиш бүйічә таклифлар тайёрлаш ва кенгашта киритиш, бундай хизмат ходимларининг сони билан боғлиқ

масалаларни ҳал этиш, белгиланган тартибда шаҳар авария-қутқарув хизматларини ташкил этиш, техноген ва табиий характердаги фавқулодда вазиятларни тугатиш учун захира фондини ташкил этиш, шаҳар авария-қутқарув хизматлари фаолиятини моддий-техник таъминлаш чоратадбирларини ишлаб чиқиш ва амалга ошириш, шаҳар авария-қутқарув хизматлари ва жамоат ташкилотларининг авария-қутқарув хизматлари ходимларини белгиланган тартибда тайёрлашни ташкил этиш, фавқулодда вазиятлар юзага келганда давлат ва жамоат хавфсизлиги ва тартибини, корхоналар, муассасалар ва ташкилотларнинг ҳаётини таъминлаш, одамлар ҳаётини сақлаб қолиш, уларнинг соғлигини сақлаш, моддий бойликларни сақлаш учун қонун ҳужжатларига мувофиқ зарур чораларни кўриш, қонун ҳужжатларига мувофиқ йиғилишлар, митинглар, юришлар ва намойишлар, спорт, кўнгилочар ва бошқа оммавий тадбирларни ўтказиш тўғрисидаги масалаларни ҳал этиш, уларни амалга оширишда жамоат хавфсизлиги ва тартибини таъминлаш устидан назоратни амалга ошириш, қонун билан уларнинг ваколатига киритилган маъмурий ҳуқуқбузарликлар тўғрисидаги ишларни кўриш, жиноятчиликка қарши курашиб бўйича маъмурий комиссиялар ва комиссияларни тузиш, улар фаолиятини йўналтириш, Миллий полициянинг тегишли органлари билан биргаликда милиция ходимларининг хизмат қилишлари ва дам олишлари учун тегишли шартшароитларни яратиш масалаларини ҳал қилиш.

Россия Федерациясининг 2016 йил 23 июндаги “Россия Федерациисида ҳуқуқбузарликлар профилактикаси тизими асослари тўғрисида”ги федераль қонунга кўра маҳаллий ўзини ўзи бошқариш органлари хам ҳуқуқбузарликлар профилактикасининг субъектлари тизимида киради. Маҳаллий ҳокимият органлари ҳуқуқбузарликлар профилактикаси соҳасида муниципал дастурларни ишлаб чиқиш ҳуқуқига эга.

Шунингдек, маҳаллий ўзини ўзи бошқариш органлари ҳуқуқбузарликлар профилактикаси оид қуйидаги ваколатларни ҳам амалга оширадилар:

хуқуқбузарликлар профилактикаси соҳасида муниципал ҳуқуқий ҳужжатларни қабул қиласди;

хуқуқбузарликлар профилактикаси соҳасида мувофиқлаштирувчи органларни тузади;

хуқуқбузарликлар содир этилишига ёрдам берувчи сабаблар ва шартшароитларни бартараф этиш чораларини кўради;

ұз худудида ҳуқуқбузарликлар профилактикаси билан шуғулланувчи шахсларнинг үзаро ҳамкорлигини таъминлайди;
хуқуқий таълим ва ҳуқуқий ахборотни амалга оширади;
ижтимоий мослаштириш чоралари кўради;
шахсни қайта ижтимоийлаштириш чораларини кўради;
ижтимоий реабилитация чораларини амалга оширади;
хуқуқбузарлиқдан жабрланган ёки жабрланиш хавфси остида бўлган шахсларга ёрдам кўрсатади .

Америка Қўшма штатларда профилактиканинг қўйидаги учта модели мавжуд: биринчиси, давлат агентлиги модели; иккинчиси, индивидуал хавфсизлик модели; учинчиси, атроф-мухитга таъсир модели. Ҳуқуқбузарликларнинг олдини олиш дастурлари федерал ва маҳаллий даражада амалга оширилади. Айрим штатларда фуқароларнинг ҳуқуқтартиботни мустаҳкамлашдаги иштироки талончиликлар сонини 30 фоизга камайтиришга ёрдам берган. Бу борада тезкор-профилактик аҳамиятга эга бўлган маълумотлар учун мукофотдан фойдаланилади.

Японияда қонун ва тартибни таъминлаш ҳамда жамоат профилактикасини амалга ошириш тизими яхши ривожланган, у ерда маҳаллий дастурларга алоҳида эътибор қаратилади. Мамлакат Адлия вазирлиги томонидан туман даражасида қонун ва тартибни таъминлаш ҳамда ҳуқуқбузарликлар профилактикаси дастурининг модели ишлаб чиқилган. Туман дастурларининг асосий иккита тури мавжуд. Биринчиси, “илмий дастурлар” улар жиноятчилик ҳолатини криминологик ташхислашга; иккинчиси, “амалий дастурлар” бўлиб, улар қонун ва тартибни таъминлаш ҳамда ҳуқуқбузарликлар профилактикаси бўйича таклифларни ишлаб чиқишга йўналтирилган. Шунингдек, туман фуқаролари иштирок этадиган муниципал дастурлар мавжуд. Шу билан бирга, Японияда давлат-жамоат ташкилоти бўлган қонун ва тартибни таъминлаш ҳамда ҳуқуқбузарликлар профилактикаси ассоциацияси самарали фаолият юритади. Ассоциациянинг бўлинмалари (умуммиллийдан маҳаллий даражага қадар) ҳар бир полиция бўлимида ишлайди. Энг қуий бўғинлар ҳуқуқбузарликларнинг олдини олиш нуқталари ҳисобланувчи оиласалар билан ишлайди. Бу борада ушбу бўлинмаларнинг ҳар бирига ўртacha 50 тадан оиласалар тўғри келади. Уюшма аъзолари полицияга баҳтсиз ҳодисалар ва ҳолатлар тўғрисида хабар беришади, қонун ва тартибни таъминлаш ҳуқуқбузарликлар профилактикаси билан боғлиқ маълумотларни

аҳолига тарқатадилар, фуқароларнинг хоҳиши истаклари ҳақида полицияни хабардор қиласиди, меҳмонлар билан сұхбатлар үтказадилар.

Буюк Британия, АҚШ, Канада, Германия, Австралия каби давлатларда ҳуқуқбузарликлар профилактикасини амалга оширишда “Құшнилар назорати” (neighborhood watch) дастури амалга оширилди. Ушбу дастурға құра маҳаллий аҳоли вакиллари жиноятларнинг олдини олиш учун бирлашадилар. Бунда улар уларнинг фаолияти жиноят ҳүшәрликка ва жиноят содир этилаётганда ёки бошқа ҳар қандай шубҳали ҳолатларда дархол полицияга хабар беришга асосланади.

Ушбу дастур маҳаллий давлат органлари томонидан құллаб-қувватланады, уларга методик, ташкилий-хуқуқий ҳамда молиявий жиҳатдан ёрдам күрсатади. Мазкур дастур 2011 йил август ойида Шимолий Қозогистон вилоятининг маъмурий марказида полиция ва шаҳар ҳокимияти томонидан “маҳалла назорати” сифатида ҳам жорий этилған бўлиб, ушбу вилоят полицияси бошлиғи фуқароларнинг мурожаатлари ва аноним хабарларга жавоб бериш учун фуқаролар томонидан 24 соат ишлайдиган ишонч телефонидан иборат маҳсус офис ташкил қилди. Уларнинг ишини құллаб-қувватлаш учун ўша йили вилоят ҳокимияти 15 миллион тенге маблағ ажраттади.

Шунингдек бу каби дастурлар дунёning күплаб мамлакатларида ҳам мувофақиятли жорий этилған. Хусусан, Канада - Block Parent, Хитойда - Chaoyang masses, АҚШда - Citizen Observer, АҚШ, Австралия, Буюк Британияда - Crimestoppers, Хитойда - Grid-style social management, Норвегияда - Natteravnene, Буюк Британияда - Neighbourhood Watch, Жанубий Кореяда - Inminban, Ҳиндистонда - Police Mitra. Ушбу дастурларнинг барчаси маҳаллий давлат ҳокимияти органлари томонидан құллаб-қувватланади.

“Синдирилган ойна” (broken windows), “Жиноятчиликни тұхтатувчилар” (crime stoppers) каби дастурлар, шунингдек, муайян тоифадаги шахслар, масалан болалар ва ўсмирларга мұлжалланған ёки жиноятчилик даражаси нисбатан юқори минтақаларга татбик этиладиган (“Weed&Seed”, “Safety City”) дастурлар самаралининг жорий этилиши ва амалга оширилиши ҳам бевосита маҳаллий давлат ҳокимияти органлари томонидан амалга оширилди.

ФОЙДАЛАНИЛГАН АДАБИЁТЛАР РҮЙХАТИ

1. Osmanova Kh. M. Compare Spatial Differences in the Types of Local Self Governance amid Europe Countries and Azerbaijan Republic // American Scientific Research Journal for Engineering, Technology, and Sciences (ASRJETS) (2015) Volume 13, No 1, pp 221-226 // [http://asrjetsjournal.org/](http://asrjetsjournal.org;);
2. Sauer A. The System of the Local Self-Governments in Poland // Research Paper 6/2013.
3. Steven Halls. The concept and practice of territorial representation in English Local Government: impacts of government policies. Dissertation submitted in part fulfilment of the requirements of The Nottingham Trent University for the degree of Master of Philosophy. Published by ProQuest LLC. 2016. P. 162.
4. Закон Кыргызской Республики от 29 мая 2008 года №99 О местном самоуправлении и местной государственной администрации // https://base.spinform.ru/show_doc.fwx?rgn=23138
5. Закон Кыргызской Республики от 5 мая 2021 года №60 Об основах профилактики правонарушений // https://base.spinform.ru/show_doc.fwx?rgn=132549
6. Закон Республики Армения от 5 июня 2002 года №ЗР-337 О местном самоуправлении // https://base.spinform.ru/show_doc.fwx?rgn=2919
7. Закон Республики Беларусь от 4 января 2014 года №122-З Об основах деятельности по профилактике правонарушений // https://base.spinform.ru/show_doc.fwx?rgn=64951.